



চট্টগ্রাম সিটি কর্পোরেশন

জনসংযোগ শাখা

চট্টগ্রাম।

প্রেস বিজ্ঞপ্তি

প্রয়াত শিল্পী আইয়ুব বাচ্চুর লাশ আসছে কাল (শনিবার)

মাদারবাড়ীস্থ শিল্পীর বাসভবনে ভক্তদের ভিড় না করার জন্য সিটি মেয়রের অনুরোধ

চট্টগ্রাম- ১৯ অক্টোবর-২০১৮ ইংরেজী।

চট্টগ্রামের কৃতি সন্তান বিশিষ্ট সংগীত শিল্পী, জন প্রিয় ব্যান্ড তারকা, সুরকার ও গীতিকার আইয়ুব বাচ্চুর লাশ আগামীকাল শনিবার সকালে চট্টগ্রাম এসে পৌঁছবে। তাঁর লাশ প্রথমে নগরীর মাদারবাড়ীস্থ নানার বাড়িতে নিয়ে যাওয়া হবে। সেখান থেকে নগরীর জমিয়তুল ফালাহ্ জাতীয় মসজিদ মাঠে তার কফিন সর্বস্তরের মানুষের শ্রদ্ধা নিবেদনের জন্য বিকেল ৩ টা থেকে ৪ টা পর্যন্ত রাখা হবে। প্রয়াত এ কিংবদন্তী শিল্পীর মরদেহের দাফন-কাফন ও সর্বস্তরের জনগনের শ্রদ্ধা নিবেদনের সকল ব্যবস্থার আয়োজন ও প্রস্তুতি নিয়ে রেখেছে চট্টগ্রাম সিটি কর্পোরেশন। চট্টগ্রাম সিটি কর্পোরেশনের মেয়র আলহাজ্ব আ জ ম নাছির উদ্দীন শুধুমাত্র নিকটাত্মীয় ছাড়া আইয়ুব বাচ্চুর চট্টগ্রামের ভক্ত অনুরাগীদের তার লাশ দেখার জন্য শিল্পীর চট্টগ্রামের বাসভবনে (মাদারবাড়ী) ভিড় না করার জন্য বিশেষভাবে অনুরোধ জানিয়েছেন। তিনি নগরীর জমিয়তুল ফালাহ্ জাতীয় মসজিদ মাঠে প্রয়াত শিল্পীকে বিকেল ৩ টা থেকে ৪ টা পর্যন্ত সর্বস্তরের নাগরিকদের শ্রদ্ধা জানানোর জন্য রাখা হবে বলে জানান। পরে বাদ আসর জমিয়তুল ফালাহ্ জাতীয় মসজিদে নামাজে জানাযা শেষে তার লাশ নগরীর চৈতন্য গলি কবরস্থানে দাফন করা হবে।

হিন্দু ধর্মাবলম্বীদের প্রতিমা নিরঞ্জন

পর্যটক সহ পূজার্থীদের জন্য পতেঙ্গা সমুদ্র
সৈকতে স্থায়ী ঘাটের ঘোষনা দিলেন- মেয়র

চট্টগ্রাম-১৯ অক্টোবর-২০১৮ ইংরেজী।

হিন্দু ধর্মাবলম্বীদের প্রতিমা নিরঞ্জনের সুবিধার্থে চট্টগ্রাম সিটি কর্পোরেশনের উদ্যোগে পতেঙ্গা সমুদ্র সৈকতে একটি স্থায়ী ঘাট নির্মাণের ঘোষনা দিলেন সিটি মেয়র আ জ ম নাছির উদ্দীন। এতে পর্যটক সহ সর্বসাধারণের সমুদ্র চরে যাতায়াত এবং পূজার্থীরা স্বাচ্ছন্দে প্রতিমা নিরঞ্জন করতে পারবে। প্রায় ১শ ফুট প্রশস্ত এ ঘাটে একসাথে চারের অধিক প্রতিমা নিরঞ্জন সম্ভব হবে। আগামী বছর এ ঘাট দিয়ে হিন্দু ধর্মাবলম্বীরা তাদের প্রতিমা নিরঞ্জন দিতে পারবে। আজ শুক্রবার বিকেলে নগরীর পতেঙ্গা সী বীচে চট্টগ্রাম সিটি কর্পোরেশনের ব্যবস্থাপনায় ও চট্টগ্রাম মহানগর পূজা উদযাপন পরিষদের সহযোগিতায় অনুষ্ঠিত প্রতিমা বিসর্জন অনুষ্ঠানে প্রধান অতিথির বক্তব্যে তিনি এ কথা বলেন। সিটি মেয়র আ.জ.ম.নাছির উদ্দীন বলেছেন দুর্গাপূজা কেবল ধর্মীয় উৎসব নয়, এটা একটা সামাজিক উৎসবও। এই উৎসব সাম্প্রদায়িক সম্প্রীতির মাধ্যমে বাঙালির হাজার বছরের ঐতিহ্যকে তুলে ধরে। তৈরি হয় সামাজিক মেলবন্ধন। আগামীতেও এই মেলবন্ধনকে দলমত নির্বিশেষে অক্ষুণ্ণ রাখতে হবে। তিনি বলেন মানবতাই ধর্মের শাস্ত্র বাণী। ধর্ম মানুষকে ন্যায় ও কল্যাণের পথে আহ্বান করে। অন্যায়ে ও অসত্য থেকে দূরে রাখে। দেখায় আলোর পথ। তাই ধর্মীয় অনুশাসন মেনে চলার পাশাপাশি সকলকে মানবতার কল্যাণে এগিয়ে আসতে হবে। সাম্প্রদায়িক সম্প্রীতি বাঙালীর চিরকালীন ঐতিহ্য। এই ঐতিহ্যকে এগিয়ে নিয়ে যেতে হবে দেশের সামগ্রিক অগ্রযাত্রায়। এই প্রসঙ্গে মেয়র বলেন বাংলাদেশ আজ উন্নয়নের মহাসড়কে এগিয়ে চলেছে। জাতীয় জীবনে আর্থ-সামাজিক ক্ষেত্রে অগ্রগতি সাধিত হয়েছে। প্রবৃদ্ধির হার বৃদ্ধির পাশাপাশি মানুষের জীবনযাত্রার মানও অব্যাহতভাবে বাড়ছে। কমেছে দারিদ্র্যের হার। উন্নয়নের এ অগ্রযাত্রাকে দলমত নির্বিশেষে অব্যাহত রাখতে হবে। প্রতিমা বিসর্জনের মধ্যদিয়ে আজ শুক্রবার শেষ হয়েছে ৫দিন ব্যাপি হিন্দু ধর্মাবলম্বীদের প্রধান ধর্মীয় উৎসব দুর্গাপূজা। এই উৎসবকে ঘিরে আজ জনসমুদ্রে পরিণত হয় নগরীর সমুদ্র সৈকত পতেঙ্গায়। দুপুর থেকে প্রতিমাবাহি ট্রাক, পিক-আপ ও ভ্যানগাড়ীগুলো আসতে থাকে সমুদ্র সৈকতে। দুর্গতিনাশিনী দেবী “মা” দুর্গাকে বিদায় জানাতে সমবেত হন নানা বয়সী ভক্তরা। দেখতে দেখতে কানায় কানায় ভরে যায় পুরো সমুদ্র সৈকত। শান্তি পূর্ণ পরিবেশে পতেঙ্গা সৈকতে প্রতিমা বিসর্জন দেয়া শুরু হয় ঘড়ির কাটায় ১২টায়। প্রতিমা বিসর্জনকে সামনে রেখে সৈকত ও আশপাশের এলাকায় কঠোর নিরাপত্তা ব্যবস্থা নেয়া হয়। কোন অপ্রতীকর ঘটনা ছাড়া প্রতিমা বিসর্জন শেষ হয়েছে। এ বছর চট্টগ্রাম নগরীতে ২৫৫ টি পূজা মন্ডপ ছিল। তার অধিকাংশই প্রতিমা বিসর্জন দিতে এসেছে পতেঙ্গা সমুদ্র সৈকতে। চট্টগ্রাম মহানগর পূজা উদযাপন

পরিষদের সভাপতি এড.চন্দন তালুকদার এর সভাপতিত্বে অনুষ্ঠিত সভায় বিশেষ অতিথি কাউন্সিলর ছালেহ আহমদ চৌধুরী, জয়নাল আবদীন, শৈবাল দাশ সুমন, বক্তব্য রাখেন। এ সভায় স্বাগত বক্তব্য রাখেন চট্টগ্রাম মহানগর পূজা উদযাপন পরিষদের সাধারণ সম্পাদক প্রকাশ দাশ অসিত। প্রতিমা বিসর্জন অনুষ্ঠানটি উপস্থাপনায় ছিলেন পরিষদের অঞ্জন দত্ত ও এড.তপন কুমার দাশ। অনুষ্ঠানে অন্যদের মধ্যে বক্তব্য রাখেন পতেঙ্গা থানার ভারপ্রাপ্ত কর্মকর্তা উৎপল দত্ত, চট্টগ্রাম মহানগর পূজা উদযাপন পরিষদের সাবেক সভাপতি অরবিন্দ পাল অরুণ, সাবেক সাধারণ সম্পাদক লায়ন আশিষ ভট্টচার্য, অধ্যাপক অর্পন কান্তি ব্যানার্জী, কেন্দ্রীয় পূজা পরিষদের সদস্য, সাবেক সাধারণ সম্পাদক সুমন দেবনাথ, সুজিত দাশ, রত্না কর দাশ টুনু, রানা বিশ্বাস। সীতন শীল, শীমুল কুমার শীল, হিল্লোল সেন উজ্জল, নটু চৌধুরী, নিখিল ঘোষ, পুলক খাস্তগীর, প্রদীপ শীল, বিপ্লব সেন, অরুণ রশ্মি দত্ত এছাড়াও আলোচনা করেন মহানগর পূজা উদযাপন পরিষদ ও থানা পূজা উদযাপন পরিষদের সভাপতি ও সাধারণ সম্পাদক এবং সিটি মেয়রের সহকারী একান্ত সচিব মো.রায়হান ইউসুফ ও কর্পোরেশনের উপসচিব আশেক রসুল চৌধুরী টিপু সহ অন্যরা উপস্থিত ছিলেন।

বৈশাখী টেলিভিশনের বার্তা প্রধান অশোক চৌধুরীর পিতার মৃত্যুতে মেয়রের শোক

চট্টগ্রাম- ১৯ অক্টোবর-২০১৮ ইংরেজী।

বৈশাখী টেলিভিশনের বার্তা প্রধান অশোক চৌধুরীর বাবা, চট্টগ্রামের গোলপাহাড় কালীমন্দির পরিচালনা পর্ষদের সদস্য, বিশিষ্ট সমাজসেবক সুধীর কুমার চৌধুরীর মৃত্যুতে শোক প্রকাশ করেছেন চট্টগ্রাম সিটি কর্পোরেশনের মেয়র আলহাজ্ব আ জ ম নাছির উদ্দীন। তিনি আজ শুক্রবার এক শোক বার্তায় প্রয়াতের বিদেহী আত্মার সদগতি কামনা করেন এবং শোকসন্তপ্ত পরিবার পরিজনের প্রতি গভীর সমবেদনা জানান। মৃত্যুর সংবাদ পেয়েই মেয়র সকালে প্রয়াতের নগরের বাসভবনে ছুটে যান। এসময় তিনি তার শোকাহত পরিবারের সদস্যদের সাথে বেশ কিছুক্ষণ সময় অতিবাহিত ও কুশল বিনিময় করেন।

সংবাদদাতা

রফিকুল ইসলাম

জনসংযোগ কর্মকর্তা

চট্টগ্রাম সিটি কর্পোরেশন